



Daim Ntaub Ntawv Qhia Txog Qhov Txuam Thawj Tseeb rau Tus Tshuaj Molnupiravir: Ib Hom Tshuaj siv rau Kev Kho Mob txog Tus Kab Mob Khaus Viv-19 (COVID-19)

(Rau Cov Neef Mob, Cov Niam Thiab Txiv thiab Cov Neeg Saib Xyuas (Tus))

Q: Tshuaj Molnupiravir yog dab tsi?

Tshuaj Molnupiravir yog ib hom tshuaj siv rau kev kho mob txog Tus Kab Mob Khaus Viv-19 (COVID-19) uas mob me ntsis-txog rau-mob pes nrab. Teb Chaws Mes Kas Lub Chaw Tswj Xyuas Khoom Noj thiab Tshuaj (Food and Drug Administration, FDA) thaum xub thawj tau tso cai pib siv tau nws nyob rau Lub Kaum Ob Hlis Ntuj 2021 lawm.

Q: Leej twg muaj peev xwm txhaj tau tus tshuaj Molnupiravir?

Tus tshuaj Molnupiravir nod yog siv tau rau cov neeg uas muaj cov tsos mob me ntsis-txog-mob pes nrab ntawm Tus Kab Mob Khaus Viv-19 (COVID-19) uas:

- Hnub nyoog 18 xyoo los sis laus dua ntawd,
- Tau sim kuaj mob pom tias muaj Tus Kab Mob Khaus Viv-19 (COVID-19) lawm,
- Muaj kev pheej hmoo siab rau kev mob Tus Kab Mob Khaus Viv-19 (COVID-19) hnyav, thiab
- Tsis muaj kev nkag cuag tau rau lwm cov kev xaiv ntsig txog kev kho mob uas tau txais kev tso cai los ntawm Lub Chaw Tswj Xyuas Khoom Noj thiab Tshuaj (Food and Drug Administration, FDA).

Q: Yuav txhaj tus tshuaj nod tau li as?

Tus tshuaj Molnupiravir nod yog noj ntawm qhov ncauj mus. Qhov yuav noj ntau npaum li cas feem ntau mas yog plaub ntsiav nyob rau hauv txhua 12 xuab moos mus kom txog tsib hnub. Nws tseem ceeb uas yuav tsum noj kom txog 5 hnub txwm nkaus raws li tus cai kev kho mob thiab yuav tsum ua kev caiv nyob ib leeg raws li cov lus muab tswv yim qhia ntawm feem saib xyuas kev noj qab haus huv ntawm pej xeem. Yuav tsum tsis txhob noj ntev tshaj tsib hnub.

Q: Leej twg yuav tsum TSIS TXHOB txhaj tus tshuaj Molnupiravir?

Tus tshuaj Molnupiravir **TSIS** tau txais kev pom zoo siv rau cov neeg mob uas:

- Cev xeeb me nyuam
- Muab niam mis rau me nyuam noj
- Cov me nyuam yaus

Yog hais tias koj cev xeeb me nyuam los sis muab niam mis rau me nyuam noj, sab laj tawm tswv yim nrog koj tus kws muab kev saib xyuas kho mob rau fab kev noj qab haus huv ua ntej koj yuav siv tus tshuaj Molnupiravir nod.

Yog hais tias ntxim li koj muaj me nyuam lawm, yuav tsum siv txoj hau kev tswj xyuas kom txhob muaj nyuam uas ntseeg siab tau yog hais tias koj noj qhov tshuaj no.

Noj nws txuas ntxiv mus kom txog yam tsawg li peb lub hlis tom qab tau noj qhov tshuaj uas yuav noj ntau tsawg npaum cas ntawm tus tshuaj Molnupiravir zaum kawg nkaus tag lawm.

Q: Cov tsos mob tshwm sim uas muaj feem xyuam txog tus tshuaj Molnupiravir muaj li cas?

Cov tsos mob tshwm sim txog tus tshuaj no muaj xam nrog rau

- Raws plab
- Xeev siab
- Kiv tob hau.

Q: TSIS TXHOB siv tus tshuaj Molnupiravir nod rau dab tsi?

Tus tshuaj Molnupiravir nod TSIS txhob muab siv rau:

- Kev kho mob thaum xub thawj au cov neeg mob uas yuav tsum tau mus pw kho hauv tsev kho mob vim los ntawm Tus Kab Mob Khaus Viv-19 (COVID-19) uas mob hnyav los sis ciaj tuag sib npaug
- Kev tiv thaiv Tus Kab Mob Khaus Viv-19 (COVID-19).

Q: Lus qhia paub ntau ntxiv

Yog hais tias koj muaj lus nug, thov tiv tauj au koj tus kws muab kev saib xyuas kho mob rau fab kev noj qab haus huv, mus saib tus tshuaj Molnupiravir tau rau ntawm lub vas sab (website) ntawm www.molnupiravir.com los sis hu rau 1-800-672-6372.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Tuav

Ntaub Ntawv Kev Noj Qab Haus Huv ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.